

Oqaluuserisassat pillugit nassuiaat.
(Inatsisartut Siulittaasoqarfiat)

Inuussutissarsiornermut Ataatsimiititaliaq qinnuteqarpoq oqaluuserisassani immikkoortup 52-p, Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat nr. 6, 5. december 2008-meersup allangortinneqarnissaa pillugu Inatsisartut inatsisaat nr. xx.xx xx 2012-mut siunnersuutip aappassaaneerseqarnissaata kinguartinneqarnissaanik. Immikkoortoq pineqartoq ulloq 30. april aappassaaneerseqartussaagaluarpoq ullorlu 8. maj pingajussaaneerseqartussaagaluarluni. Maanna siunnersuutigineqarpoq immikkoortoq 52 ulloq 15. maj aappassaaneerseqassasoq aammalu ulloq 22. maj pingajussaaneerseqarluni.

Siunnersuuteqartut qinnuteqarput oqaluuserisassani immikkoortup 88-p, Utoqqalinermi pensionisiallit pensionisiaminnit ilanngaanneqanngikkaluarlutik saniatigut allanik isertitarisinnasaasa marloriaatinngorlugit qaffanneqarnissaat siunertaralugu Inatsisartut peqqussutaata nr. 3, 7. maj 2007-imeersup allangortinneqarnissaanik Naalakkersuisut peqquneqarnissaat siunertaralugu Inatsisartuni aalajangiiffigisassatut siunnersuutip siullermeerneqarnissaata kinguartinneqarnissaanik. Immikkoortoq pineqartoq ullumi ataatsimiinnermi siullermeerneqartussaagaluarpoq aammalu 16. maj aappassaaneerseqartussaalluni. Ullu oqaluuserineqarfissaat nutaat kingusinnerusukkut nalunaarutigineqarumaarput.

Siunnersuuteqartoq qinnuteqarpoq oqaluuserisassani immikkoortup 61-p, Aatsitassanut ikummatissanullu inatsisip allangortilersaarneqarneranut atatillugu ullumikkut avatangiisit illersornissaannik Inatsisartut inatsisaanni kapitali 14-imiittumisut immikkut maalaarfiusinnaasumut malittarisassanik Naalakkersuisut siunnersuuteqaqqullugit Inatsisartut aalajangiiffigisassaattut siunnersuutip siullermeerneqarnissaata kinguartinneqarnissaanik. Immikkoortoq pineqartoq ullumi ataatsimiinnermi siullermeerneqartussaagaluarpoq aammalu 16. maj aappassaaneerseqartussaalluni. Ullut oqaluuserineqarissaat nutaat kingusinnerusukkut nalunaarutigineqarumaarput.

Ullumi ataatsimiinnermi Inatsisartunut ilaarsortat Karl Lyberth, Siumut aamma Naaja Nathanielsen, Inuit Ataqtigiit taasisarnerit pillugit isumaqatigiissuteqarput.